

O pojavi ružičastog čvorka (*Pastor roseus*) u Bosni i Hercegovini u 2018. godini

On the occurrence of the Rosy Starling (*Pastor roseus*) in Bosnia and Herzegovina in 2018:

In 2018, the Rosy Starling (*Pastor roseus*) was recorded in several localities in Bosnia and Herzegovina. It was observed at the mouth of Neretva River, in Ravno on the outskirts of Popovo polje, in Mostarsko blato, Buna and Bastasi near Bastašica River.

U periodu od 24. do 27. maja 2018. godine ružičasti čvorak (*Pastor roseus*) je zabilježen na lokalitetima ušće Neretve (23-24.5.2018., oko 80 primjeraka), Ravno, na obodu Popovog polja (27.5.2018., oko 100 primjeraka), Mostarsko blato (26.5.2018., 60 primjeraka) i Buna (25.5., 26.5. i 27.5.2018., oko 30 primjeraka). Oko 40 primjeraka je primijećeno na lokalitetu Bastasi kod rijeke Bastašice 30. maja 2018. godine. Ptice su prelijetale od jednog ka drugom starom, zapuštenom voćnjaku, kada ih je uočila Biljana Topić. Poslije kraćeg zadržavanja, odletjele su u nepoznatom pravcu.

Ružičasti čvorak (*Pastor roseus*) je u Bosni i Hercegovini bilježen uglavnom u vrijeme migracija i to u velikim jatima. Mali je broj poznatih nalaza (Busovača, Sarajevo i okolina, Zvornik, Konjic, Ostrožac kod Konjica, Podhum na Neretvici, Stolac) ove vrste za Bosnu i Hercegovinu [Obratil, S., 1967: Pregled istraživanja ornitofaune Bosne i Hercegovine I (*Passeriformes*). GZM BiH (PN) NS 5: 191-268.], a posljednji pisani trag je iz 2013. godine i veže se za Mostarsko blato [Dervović,

I., 2013: Ružičasti čvorak (*Sturnus roseus*) u Mostarskom blatu. Bilten Mreže posmatrača ptica u Bosni i Hercegovini, 9(9): 109]. Tokom 2018. godine na Evropskom kontinentu registrovana je masovna disperzija ove vrste, gdje su pojedini primjerci, krećući se od jugoistoka ka sjeverozapadu, dospjeli čak do sjeverozapadnih ostrva Škotske ([www.https://observation.org/soort/maps/199294?from=2019-03-04&to=2020-03-04](https://observation.org/soort/maps/199294?from=2019-03-04&to=2020-03-04)).



Slika 1. Ružičasti čvorak (*Pastor roseus*) 23.5.2018. godine na ušću Neretve (Foto: Denis Bohm)

Figure 1. Rosy Starling (*Pastor roseus*) on 23.5.2018 at the mouth of Neretva River (Photo: Denis Bohm)

Denis Bohm, Biljana Topić i Goran Topić
Ornitološko društvo "Naše ptice"
Semira Frašte 6, 71000 Sarajevo
naseptice@hotmail.com